



## Komentar monetarnih kretanja za april 2021. godine

Ukupna novčana masa (M2) na kraju aprila 2021. godine je iznosila 29,07 milijardi KM, na mjesečnom nivou registrovan je rast za 248,6 miliona KM (0,9%). Rast novčane mase (M2) u aprilu 2021. godine rezultat je rasta novca (M1) za 196,9 miliona KM (1,3%) i kvazi novca (QM) za 51,7 miliona KM (0,4%). Novac (M1) povećan je usljed rasta prenosivih depozita u domaćoj valuti za 98,7 miliona KM (1,0%) i gotovine izvan banaka za 98,2 miliona KM (1,9%). Kvazi novac (QM) bilježi rast prenosivih depozita u stranoj valuti za 16,9 miliona KM (0,6%) i ostalih depozita u stranoj valuti za 40,4 miliona KM (0,6%) te blaže smanjenje ostalih depozita u domaćoj valuti za 5,7 miliona KM (0,2%)

Na godišnjem nivou porast novčane mase (M2) iznosi 2,63 milijardi KM (9,9%). Rast je ostvaren kod gotovine izvan banaka za 355,5 miliona KM (7,4%), prenosivih depozita u domaćoj valuti za 1,67 milijardi KM (19,0%), prenosivih depozita u stranoj valuti za 505,8 miliona KM (19,9%), ostalih depozita u domaćoj valuti za 41,4 miliona KM (1,4%) i ostalih depozita u stranoj valuti za 52,7 miliona KM (0,7%).



Protustavka rastu novčane mase (M2) na mjesečnom nivou u aprilu 2021. godine u iznosu od 248,6 miliona KM (0,9 %) je rast neto strane aktive (NSA) za 502 miliona KM (3,1%) i smanjenje neto domaće aktive (NDA) za 253,3 miliona KM (2,1%). Porast novčane mase (M2) na godišnjem nivou od 2,63 milijardi KM (9,9%) rezultat je rasta neto strane aktive (NSA) za 2,18 milijardi KM (14,9%) i neto domaće aktive (NDA) za 444,9 miliona KM (3,8%).

## Monetarni pregled

	Stanje u mil. KM	Mjesečne promjene u mil. KM			Godišnje stope rasta u %		
	IV 2021	II 2021	III 2021	IV 2021	II 2021	III 2021	IV 2021
<b>Aktiva</b>							
<b>1. Neto strana aktiva</b>	<b>16.839,2</b>	<b>91,3</b>	<b>141,8</b>	<b>502,0</b>	<b>13,8</b>	<b>16,5</b>	<b>14,9</b>
1.1. Strana aktiva	18.915,7	52,3	65,1	483,3	7,0	9,1	7,5
1.2. Strana pasiva	-2.076,5	39,0	76,7	18,7	-26,2	-27,2	-29,5
<b>2. Neto domaća aktiva</b>	<b>12.235,3</b>	<b>146,3</b>	<b>32,5</b>	<b>-253,3</b>	<b>1,4</b>	<b>-0,2</b>	<b>3,8</b>
2.1. Potraživanja od centralne vlade (neto), kantona i općina	163,9	-7,4	-38,4	-333,4	2757,0	723,2	-139,9
2.2. Potraživanja od domaćih sektora	19.459,2	95,2	128,9	101,4	-0,8	-0,5	1,0
2.3. Ostale stavke	-7.387,8	58,5	-58,0	-21,4	2,6	5,3	4,5
<b>Pasiva</b>							
<b>1. Novčana masa (M2)</b>	<b>29.074,5</b>	<b>237,6</b>	<b>174,3</b>	<b>248,6</b>	<b>8,0</b>	<b>8,6</b>	<b>9,9</b>
1.1. Novac (M1)	15.618,1	158,5	72,4	196,9	15,3	14,5	14,9
1.2. Kvazi novac (QM)	13.456,4	79,1	101,9	51,7	0,7	2,6	4,7

## Ukupni krediti

Ukupni krediti domaćim sektorima na kraju aprila 2021. godine iznosili su 20,57 milijardi KM. U odnosu na prethodni mjesec povećani su za 98,9 miliona KM (0,5%). Kreditni rast registrovan je kod sektora stanovištva za 59,8 miliona KM (0,6%) i privatnih preduzeća za 53,9 miliona KM (0,6%). Smanjenje kreditnog rasta registrovano je u sektorima vladinih institucija za 1,9 miliona KM (0,2%), javnim preduzećima za 2,0 miliona KM (0,4%) i ostalim domaćim sektorima za 9,9 milina KM (7,1%).

Na godišnjem nivou ukupni krediti u aprilu 2021.godine bilježe porast za (1,3%) ili nominalno 267 miliona KM. Rast kredita registrovan je u sektoru stanovništva za 223,9 miliona KM (2,3%), vladinih institucija za 72,9 miliona KM (6,6%) i javnih preduzeća za 42,4 milion KM (9,0%). Smanjene kreditnog rasta registrovano je u sektorima privatnih preduzeća 50,3 miliona KM (0,6%) i ostalih domaćih sektora za 21,7 miliona KM (13,3%).

## Sektorska struktura kredita u BiH

	Stanje u mil. KM IV 2021	Mjesečne promjene u mil. KM			Godišnje stope promjene u %		
		II 2021	III 2021	IV 2021	II 2021	III 2021	IV 2021
<b>Ukupno</b>	20.571,5	80,4	165,5	98,9	-0,6	-0,1	1,3
Od toga:							
Stanovništvo	10.030,8	22,3	72,9	59,8	0,2	0,7	2,3
Privatna preduzeća	8.711,0	79,7	66,5	53,9	-2,4	-2,1	-0,6
Vladine institucije	1.176,2	-15,2	36,5	-1,9	2,5	6,2	6,6
Javna preduzeća	511,8	0,5	-13,8	-2,0	10,0	8,2	9,0
Kreditni ostalim domaćim sektorima	141,7	-7,0	3,5	-10,9	-6,1	-5,8	-13,3

## Devizne rezerve

Devizne rezerve Centralne banke BiH na kraju aprila 2021. godine iznosile su 14,03 milijardi KM, povećane su za 394,6 miliona KM (2,9%) u odnosu na prethodni mjesec. Na godišnjem nivou devizne rezerve Centralne banke BiH porasle su za 855,1 miliona KM (6,5%).